

DISPUTATIO JURIDICA

DE

MUTUO

Quam

Annunkte divino Flamine,

Ex consensu Amplissimi & Crorum Or-
dinis in enclyta Salana

PRÆSIDE

Viro Amplissimo, Clarissimo, Consultissimoque

Dn. ORTOLPHO FOMANNO,

Professore Codicis publico nec non curiæ
provincialis, ac Scabinatus Jenensis
assessore dignissimo.*Publica disquisitioni subsciet*

NICOLAUS BESELIN

ROSTOCH: MEGAP.

Author & Responderis.

Ad diem 7. Sept. hora locog. solito

JENÆ.

Typis JOHANNIS WEIDNERI.

ANNO cl. l. C. XVI.



V. I. R. O
Magnifico, Clariss. & Consultiss.

Dn. HENRICO STALMEISTERO,
Reverendissimi & Illustrissi-
mi Principis ac Domini, DOMINI

VDALRICI Episcopi Suerinensis, Ducis Sle-
suicensis, Holfatiz, Stormariae & Ditmarsiae, Co-
mittis in Oldenborg & Delmenhorst. Dn. sui
Clementiss. Cancellario digniss. nec
non U. J. D. celeberrimo.

U T E T

Clariss. Consultiss. & Excellentiss. VIRO
DN. THOMAE LINDEMANNO.
U. J. D. cuncto, Academiae patriz
Professori publico.

Tum etiam,

Prudentissimo, Excellentissimo, longo
rerum Civilium usu prestantissimo VIRO
DN. BERNHARDO CLINGEN
Inclytæ Reipub. Rostoch. Senatori primario.
Dominis affinis & fautoribus multis nominibus
suscipiendo hanc legalem disputatio-
nem officiose,

D. D. D. T

AUTHOR & RESPONDENS

DISPUTATIO JURIDICA
DE MUTUO.
THESIS I.



Vanquam quidem

communicandarum utilita-
tum causa, contractus inter homines
sint instituti, *arg. l. 12. ff. d. pignorb. &
hypoth.* attamen variè secundum vari-
am diversumque contrahentium modum consideran-
tur.

II.

Nonnunquam etenim contrahendo hoc agitur, ut
tradita quidem re, non statim traditum quoque cen-
seatur dominium, aut plena & liberrima de ea dispen-
di facultas, ut in Commodato, §. 2. *Inst. quib. mod. re contr.*
oblig. l. 3. §. 1. ff. comm. junct. l. rei 8. cum l. seq. eod. Cujac.
in parat. b. Vult. 1. J.R. 8. 32. Deposito §. 3. *Inst. quib. mod.*
re contrah. obligat. l. licet 17. §. 1. ff. dep. l. 12. ff. eod. Vult.
1. J.R. cap. 33. Et pignore §. 4. *Inst. d. l. 1. 21. §. 2. & 3. ff. d.*
pignorb. & hypoth. Nonnunquam contra contrahen-
do sic convenitur ut concessa re concessa simul videatur
ejus administratio; ut in Mutuo; *l. 2. §. appellata ff. d.*
R. C. ubi gloss. & Dd. arg. l. 55. ff. d. solut. Wesenb. b. n.
9. Cujac. 11. obs. 37. Coras. 3. Miscell. 10. De quo contractu
nostra cum sit instituta disputatio, more rectè scriben-
dum initium nostrum ab ejus definitione sumemus.

Definitur autem diversimodè à JCrīs, aliter à Cagn.
aliter à Barr. nos vero communem Dd. sententiam
sequentes, dicimus esse contractum Jurisgentium §. 2.

§. 2. 1. d. 7. N. G. C. l. 1. 1. ff. d. 7. 0. l. 5. ff. d. 7. 0. 7. No-
 minatum, quia habet nomen speciale, quod alijs con-
 tractibus non est conveniens seu communicabile, l. 2. in
 princ. l. 26. 27. ff. d. R. C. l. 7. d. pact. vide. Hotoman, in
 consuet. d. prescript. verb. Kitzel. in tract. mutui c. 1. num.
 16 27. Roman. disp. Stricti iuris, quia celebratur datio-
 ne ficta vel vera rei l. 2. ff. de R. C. Quo quantitas, id est,
 res, quæ in genere suo functionem recipit d. l. 2. §. ap-
 pellata, hac lege & conditione datur, ut in eadem boni-
 tate & quantitate restituatur, non quidem in specie,
 quia mutuando consumitur, quicquid mutuatum est,
 d. l. 2. sed in genere. Cujas, in parat. b. arg. l. 55. ff. d. so-
 lus. Quid ergo est dicendum, si forte ex accidenti & in-
 opinato eveniat, ut debitor, qui primo quidem pecu-
 niam mutuam sumpsit, postea vero pecuniam mutuata
 non indigeat, aut eam in rem suam vertendo non dum
 consumpserit, sed eam creditori suo in specie restituat,
 mutuum ne contractum erit? Et quamvis quidem Azo
 asserat, mutuum contractum dici non posse, propter
 generalia l. 2. ff. d. R. C. verba, attamen nos Accursij ad
 l. 2. ff. d. R. C. hoc casu opinionem sequentes, mutui
 contractum celebratum esse asserimus.

IV

Hic definitioni recte subiungimus requisita, quæ ad
 huius contractus substantiam quam maxime acced-
 unt, & sine quibus consistere non potest. Quorum
 primum est *res interventus* imprimis enim ut mutu-
 um contrahatur necesse est, ut aliquid intetveniat, id
 est, pecunia vel res alia ad usum alicui concedatur d. l. 2.
 l. rogasti 11. §. si tibi. ff. si cert. petat. Wesenb. in parat. b.
 num. 10. Donell. lib. 14. de iur. cit. c. 1. Si ergo inter te &
 me conveniatur, ut mihi centum mutuo dares, non prius

dictus

dicetur contractum mutuū, quam pecunia numerata, aut alia res, quæ in pondere numero & mensura consistit, mihi tradita sit. Sed si quis chyrographo dato se pecuniam debere confessus sit, quam tamen non accepit, quæque ipsi numerata non est, quaeritur an conditione ex lege possit conveniri? Et verius est, quod ipso iure teneatur: *l. 1. §. 1. infr. d. liter. oblig. l. 8. C. d. non numer. pecun. l. intra 8 C. eod.* attamen opposita intra biennium exceptione non numeratæ pecuniæ, absolvitur *l. 14. §. 1. §. 15. C. eod. Mysing. & Schneidw. b. Gomert. 2. variar. resolut. 6. num. 7. & comm. Dd. Schurff. 2. consil. 42. num. 4. & seqq.*

V.

Secundum necessarium Dd. faciunt *Dominij translationem*, quod etiam satis colligitur ex *l. 2. §. appellat. d. R. C.* Imo ipse Iustus Paul. argumento ducto ab Etymologia vocabuli, dominij translationem necessariam esse in hoc contractu asserit, dum dicit: Quod mutuū dicatur, quasi quod de meo fiat tuum. Hinc consequens est, cum qui mutuū dat, dominum esse debere, *l. 2 §. creditum l. si me & Titum 32. ff. d. R. C.* si enim dominus non sit, non potest etiam mutuū contrahendo, dominium transferre: Nemo siquidem plus juris in alium transferre potest, quàm ipse habet, *l. nemo plus 54. ff. d. R. J.* De procuratore autem, cui administratio concessa est, an is rectè mutuū contrahere possit, Dd. variant: Et verius est, eum bene posse, si liberrimam & plenissimam bonorum administrationem cum mandato habeat. *arg. l. procurator 58. ff. d. procurat. l. 9. §. nihil autem 4. ff. d. A. R. D. l. 63 ff. d. procurat. l. 7. §. videmus 1. ff. quib. mod. pign. vel Hypoth. solvat.*

Diximus ante dominij translationem requiri, cum a. in invitum regulariter nihil transferatur, *arg. l. in vi. to 69. ff. d. R. 7.* recte interpp. tertium substantiale consensum statuunt. Non enim ad mutuum contrahendum sufficit pecuniam esse numeratam, sed requiritur etiam, ut interveniat consensus ejus, qui dat, & ejus qui accipit pecuniam; *l. non omnia numeratio ff. d. R. 6.* Hinc existit quaestio tractata in *l. cum in corpus 36. ff. d. A. R. D.* Si in corpore quidem quod tradimus consentiamus, in causis vero tradendi dissentiamus, ut pote si me ex testamento tibi obligatum esse, ut fundum tradam, putem, quem tamen ex stipulatione tibi debeo; quaeriturque, an firma oriatur traditio, ita, ut per eam quoque dominium transferatur? *Julian. in d. l. 36. Resp.* se non animadvertere; cur inefficax ideo sit traditio, praesertim cum juxta *Duar. ad t. h. cap. 2.* non dissensus, sed potius error sit: Error autem causae, dominij translationem non impedit, modo ab utraque parte error fuerit circa causam seu titulum habilem ad dominij translationem: ut in *d. l. cum in corpus 36 ff. d. A. R. D. Wesenb. §. per traditionem Inst. d. R. D.* facit etiam *text. in l. 18. in fin. ff. d. R. C.* quae alias a contrarium sentientibus adducitur in contrarium, ubi condictio consumptis nummis conceditur: Condictio autem non cadit in res proprias, sed alienas, & translatas: *l. 1. §. fin. ff. d. condict. triticar. l. fin. ff. ususfr. quemad. cav.* Recte ergo cum domino *Moltk. sit. d. person. quae poss. mutuari vel non, & domino Pac. cent. 3. qu. 67.* nostro judicio statuimus, quod quamvis in causa quidem dissentiamus, in corpore vero consentiamus, dominium transferatur: Salva tamen interim aliorum sententia.

Con.

Consensui porro recte Dd. subjungunt, quomodo
sc. res, quæ in hunc nostrum contractum venit, de-
beat esse comparata, nimirum quod debeat esse quantæ
hoc est in pondere, numero, & mensura consistere, l. 2.
§. 1. *U. S. creditum, l. rogasti 11. in princ. U. S. i. l. pecuniam*
30. ff. d. R. C. *princip. Inst. quib. mod. re contrah. oblig.* Nam
harum una alterius vicem ita fungitur, ut quævis res,
quæ quidem alteri mutuata est, & plane consumpta,
non quidem in specie, sed in genere restituatur, semper
tamen, si in eadem bonitate & qualitate restituatur, ea-
dem restituta præsumatur. arg. l. vinum 22. ff. d. R. C.
Wesemb. in parat. b. num. 11. vult, i. f. R. c. 31. num. 13, U. S. 14.
Gædd. ad l. 4. d. V. S. num. 26. Cujac. 11. obs. 37. Donell. d.
R. C. fol. 36. U. S. 99. Rejicimus ergo Donell. ad l. 22. ff.
d. R. C. sententiam, qui quantitatem tantum de pecu-
nia numerata intelligit, per l. cum aliter 11. ff. d. compen-
sat. l. 13. ff. d. R. C. l. 49. §. 1. in a. 1. ff. d. solut. vide Gædd. ad
l. pecunia d. V. S. & ad quamcunque rem fungibilem re-
ferimus præsertim cum huic nostræ sententiæ magnam
fulcrum addat l. 1. ff. d. condict. triticar.

VIII.

Ultimo tandem recte subjiunt Dd. quomodo nimi-
rum res, cùsusante facta est mentio, quæ in mutu-
um cadit, debeat concedi, num gratis, num sub usuris?
Cum autem jure & ratione cautum sit, quod gratis, prin-
cip. *Inst. b. c.* concludimus etiam, quod, cum hic contra-
ctus mutui sit stricti juris, l. si aut 6. ff. quod certa. leg. usuri
non debeantur, nisi specialiter per stipulationem sint
promissæ l. 3. ibi citra vinculum stipulationis, C. d. usur. l.
Titius 24. ff. d. præscript. verb. l. 10. §. 4. ff. mand. l. 1. C. d.
condict. indeb. l. quoties C. d. condict. ob turp. caus. l. 11. l. 12. ff. d.
usur. Paul. 2. sent. 14. §. 1. Borcholtz d. usur. c. 3. n. 35. Paul. 2. f. R. 44. n. 91.
Cujac.

Cum autem in toto nostro Romano Germanico Imperio hic contractus sit frequentissimus, & usurarum exactio admodum usitatissima, opera pretium nos facturos perimus, si contra Macedones illos injustos aliquo modo in usurarum quantitate, earumque justam exactionem inquiramus: Sed ut aliquid veri & certi statuamus, necesse erit, ut tempora distinguamus, modus etenim ille exactionis, pro temporibus varijs etiam varius fuit, ut constat *ex histor. Tacit. lib. 6. annal. Lib. dec. 1. lib. 7. App. lib. 1. de bell. civil. Rom.* Olim centesima exigebatur. *l. 2. C. si cert. petat. l. 4. §. fin. ff. d. naut. fœnor. l. 15. ff. d. negot. gest. vide. Cujac. & Donell. d. usur. cap. 4.* Hunc autem modum & hanc usurarum quantitatē Justinianus sustulit *in l. eos qui 26. §. 1. C. d. usur. & illustribus personis trientem, mercatoribus bessem, cæteris verò omnibus semissem usurarum nomine attribuit, d. l. eos qui 26. §. 1.* Huic demum constitutioni Justinianæ derogatum est hodie per novissimas Constitutiones *Maximil. 1. & Carol. 5.* quibus usurz quincunces indifferenter in Imperio permittuntur. *Reichsabschied de anno 1500. 1539. 1548. sub tit. von rucherlichen Contracten,* quod etiam hodie in emptione annuorum reddituum servatur. *Petr. Frider. Mind. d. process. c. 72. num. 4. Hart. Pistor. qu. jur. 49. num. 24 Wesenb. consil. 30. num. 34. conf. 14. num. 43.*

X.

Perspecta jam & cognita mutui definitione, ejusque requisitis, progrediendum nobis nunc erit ad ejus divisionem. Nonnulli mutuum faciunt duplex ut *Vult. l. 7. R. c. 31.* Aliud proprium, ut vocant, aliud improprium. Proprium dicunt *Dd.*, quod ab initio statim contrahitur

contrahitur, quodque statim traditione & perceptione rei vim & valorem suum consequitur: ut pote, cum nummos, quorum nos domini sumus: quorumque alienatio nobis concessa est, mutuo damus, quod fit, quando paterfamilias, aut major 25 annis, aut alias, qui liberam habet bonorum administrationem mutuo alicui concedit nummos. Improprium, quasi, seu praesumptivum mutuum Dd. vocant, quod quidem ab initio non valet, sed ex post facto tamen perficitur *Vult. d. l. veluti*, cum nummi proprii vel etiam alicui, ab eo, qui jus dandi non habet, credendi tamen animo dantur, & consumuntur *l. 11. in fin. l. 23. §. 1. l. 19. ff. d. R. C. Cujac. 13. obs. 28. Borch. d. R. C.*

XL

Quidam contra juris Interpp. ut sunt *Dec. Br. Alexand.* & alij magis communiter: Mutuum tripliciter dividunt, I. In naturale tantum; II. In civile tantum: III. In Civile & Naturale simul. Naturale tantum, quando nimirum fit numeratio sine stipulatione de solvendo. Civile tantum, quando intervenit stipulatio de solvendo, sine tamen numeratione. Civile & Naturale, quando intervenit stipulatio & numeratio simul, ut in *l. 2. ff. d. R. C.* nos vero rejectis hisce cum *Molin. tract. d. usur. q. 84. num. 654* unicum tantummodo mutuum esse, Naturale nempe statuimus: secundum *lex hoc jure §. ff. d. f. 67*. Quando autem quis promittit per stipulationem dare mutuo centum & stipulationem in continenti sequitur vel praecedat numeratio, non ex mutuo vel numeratione, sed ex verbis nascitur obligatio *l. si ita 126. §. Cbyfogor. ff. d. V. O. l. 6. §. 1. l. 7. ff. d. novat.* Sic si quis literis obligatus est, non condictio certi, sed condictio ex lege oritur *§. 1. Inst. d. liter. obligat.*

XII.

Ceterum cum parum prolit, nosse quid sit mutuum, siue quoduplex sit, si personar, quæ mutnam pecuni- am dare vel accipere possint, ignorentur præsertim, cum personarum siue hominum causa omne jus sit in- troductum *l. 2. ff. d. stat. homin. §. fin. Inst. d. j. N. G. & C.* Quare videbimus, quæ personæ mutuum contrahere possint, quæve lege hunc contractum celebrare prohi- beantur.

XIII.

ET primo quidem mutuum celebrare potest paterfa- milias, seu omnis qui liberam rerum suarum habet administrationem & alienandi facultatem *l. 2. ff. d. R. C. arg. l. in re mandata. C. Mand. arg. l. nemo exterius C. d. ju- dic.* Quamvis autem paterfamilias cum omnibus per- sonis possit mutuum contrahere, cum filio tamen pro- hibetur, *arg. l. inter patrem 2. ff. d. contrab. empt.* ratio hæc dari potest, quia filius & pater fictione juris pro u- na eademque persona censentur *l. fin. C. d. impuber. & al. substis.* Tum quoque nulla inter illos potest esse lis, nullavæ actio *l. 4. ff. d. judic.* Fallit tamen si filius habeat bona castrensia, secundum *d. l. inter patrem. 2. ff. d. con- trab. empt.* cum enim illorum ratione sit dominus *§. 6. Inst. d. militar. testam.* utique patrem illi pecuniam cre- dere posse statuimus.

XIV.

Aduis quoque curatorem non habens, potest mu- tuare & mutuum contrahere, quia cum habeat li- beram bonorum administrationem, utique etiam pe- cuniæ mutuatæ dominium transferre poterit *gloss. est singularis in l. 1. §. quæcumq. ff. ad SCum. Trebell. text. in l. 3. §. fin. ff. ad SCum. Macedon. Jason. in l. non.*

omnis

omnis §. pupillus ff. d. R. C. Idem quoque de servo dici debere iura volunt, *l. rogasti. §. §. si fugitivus ff. d. R. C.* hoc tamen addito, ut nimirum servo à domino simpliciter sit concessa peculij administratio, sin minus pecuniam etiā non mutuare aut illius dominium mutuando transferre poterit, secundū *Jas in d. l. rogasti. §. sed si fugitivus ff. d. R. C. Castrenf. in summar. ff. si cert. pet.* Optime huc accedit quaestio de servo, qui Calendarijs est praepositus, seu ut vocatur in *l. qui filium ff. d. legat. 3.* ad nomina faciendā, & usuras exercendas à domino est vocatus. an etiam possit mutuare & licitè hunc mutui contractum celebrare? Et cum hoc casu utique de domini voluntate dubitandum non sit, siquidem eam ob causam operas suas & servitia domino locavit, optime cum posse adstruimus: facit etiam *text. l. ejus qui in provincia 41 ff. d. R. C.*

XV.

Administratores autem civitatum, an etiam hi civitatis nomine mutuum accipere possint quaestio est? Nos eos optime posse si modo in utilitatem ejus civitatis, cujus gratia contraxerint, eam vertant per *l. 27. ff. d. R. C.* putamus. Universitas verò qua ratione ex contractu ab actoribus seu magistratibus gesto obligetur, ingens est Dd. conflictus, & variae Interpretum opiniones *Wesemb. consil. 40. num. 22. Menoch. 2. arbitr. quest. casu 432. Henning. Gædd. consil. 5. num. 1. Bart. jas. & Doctor. comm. ad l. civitas ff. d. R. C.* Si obligari debeat civitas seu universitas, requirunt, ut non tantum Consules, Syndici vel Senatores, aut alij qui reipub. gubernaculo sunt praepositi, pecuniam mutuam sumant, sed in consilium etiam vocent decuriones seu tribunos plebis, vulgò *die Gildenmeister* / quod si non

faciant, non civitas seu universitas, sed ipsi qui contraxerunt, obligabuntur, *arg. l. 27. civitas ff. d. R. C. l. fin. C. ad SCtum Macedon.* Contra *Zaf. ad d. l. civitas num. 11.* dicit ad obligationem sufficere, si tantum Consules aut Senatores contraxerint. Horum autem interpp. diversas sententias limitando conciliare & retinere possumus, modo dicamus, quod secundum *Zaf. sententiam* Consules & Senatores peculiare mandatum & consilium ab universitate acceperint, quo casu perinde civitas, ac ipsa contraxisset, obligatur. Non verò obligationem tantum universitati obtrudit, si Senatores & Consules contraxerint, verum etiam si pecuniam in civitatis utilitatem versam esse probari possit: *d. l. 27.* tunc enim ipsa naturalis æquitas suadet, ut ad restitutionem pecuniæ mutuo sumptæ ipsa civitas obligetur.

XVI.

Cui autem hoc probandi onus incumbat, non usque quaque est expeditum inter Interpp. Nos communem sequentes dicemus illud creditori incumbere, *per text. in l. 1. C. d. solut. junct. l. 5. C. cod. Anth. hoc jus potestatem C. d. SS. Eccles. l. si pradium C. d. prad. minor. sent. etiam gloss. in d. l. civitas, sequantur Bart. Bal. Alexand. & magis comm. Dd.* debet enim is, qui contrahit cum persona, quæ munus sustinet, curiosus esse de in rem veris, *text. in l. vir & uxor. l. fin. in princ. ff. ad SCtum Vellejan.* verum cum hac creditoris probatio potius facti alieni videatur, & probabilem ignorantia causam prætere possit, merito quis dubitare posset, unde hanc probationem creditor desumere debeat? Sciendum itaq; triplici modo illa de jure succurrit. Actionem etenim si volet instituere adversus civitatem, & administrationem interpellare ut sit & sistat, & versionis probatio-

nes suggerat, poterit *l. si parentes & l. seq. C. d. evict.* quod si vero administrator hoc facere nolit, contra ipsum dicitur actio. Poterit etiam creditor, priusquam contra civitatem experiat, officium iudicis implorare, ut ostendat administrator quoniam mutuum pervenerit, *arg. ejus quod habetur in l. creditorem ff. d. evict. & l. si contendat, ubi gloss. & Dd. ff. d. fide jussorib.* Tandem etiam creditor conditionem certi instituere poterit contra ipsam civitatem & administratorem alternativè cum regulariter ob incertitudinem quæ ex facto adversarij provenit, alternativus libellus admittatur, *Dd. per text. in l. 1. §. quia autem ff. quor. legat.*

XVII.

ET tantum dixisse sufficiat de personis quæ mutuum contrahere possunt, dicendum quoq; nobis nunc erit de personis, quæ mutui contractum celebrare prohibentur.

XVIII.

Prohibentur autem primo Præsides provinciarum, seu illi qui provincias regunt, *text. in l. 33. ff. d. R. C. l. 3. l. 16. c. eod. l. eos ff. d. 1. & non tantum hi, verum etiam illorum comites.* Rationem autem prohibitionis elegantem Dd. reddunt, ne sc. pretextu mutui fraudè & dolo suos debitores circumveniant, aut alias propter nimium Imperium & potestatem, quam habent in provinciales, illis interdican libertate vendendi, vel propter metum illis adimant quamvis aliam negotiandi facultatem & potentiam. Quam tamen prohibitio nem, non ad quosvis provinciarum directores seu præsides extendimus, sed tantum ad temporales, quia in perpetuis nullam fraudem aut dolum lex præsumit, *arg. l. 34. ff. d. R. C. ubi Gothofr. & Donell. n. 7. accedit etiam l. 3. C. d. R. C.*

XIX.

Exactores quoq; in tabularijs, archarij, seu illi qui præ sunt ærario publ. pecuniâ mutuari non poss. *l. 1. ff. d. susc.*

*Et i. i. ff. d. his qua ex publ. collat. illat. l. i. § 2. C. d. his
 qua ex publ. rat. Ut & impuberes furiosi pupilli, hi cre-
 nim ut quemvis alium contractum sine curatoris con-
 sensu inire non possunt, sic etiam hunc contractum ce-
 lebrare nequeunt, l. 9. in princ. ff. d. author. tutor. l. i. §
 2. ff. d. constit. pecun. l. 127. ff. d. V. O. § 9 Inst. d. in uti-
 lib. si. putat. l. 2. ff. d. fideiuss. l. 189. ff. d. R. J. l. 14. in fin.
 ff. loc. l. si a. furioso 12. ff. d. R. C. Wesent. in parat. b. num.
 12. Et quamvis quidem hi rerum suarum domini sint,
 attamen quia de iure non liberam & plenissimam ca-
 rundem habent administrationem arg. l. 3. ff. ad SCtum
 Macedon. §. nunc admonend. Inst. quib. alien. vel non lic.
 mutuum celebrare prohibentur. Quod vero jam de
 pupillo, furioso & alijs diximus, optime etiam ad pro-
 digum referri posse putamus, siquidem ille etiam furio-
 sum faciat exitum, l. 40. ff. d. R. J. quare quemadmo-
 dum furiosus ex omnibus promissis & factis ne quidem
 naturaliter obligatur, l. 6. ff. d. V. O. l. 9. §. sed et si ff. d.
 R. C. Br. Castrenf. Bl. Cujac. & aij magis comm. Dd.
 ad l. 6. ff. d. V. O. sic etiam prodigum hoc casu ne quidem
 naturaliter obligari dicimus.*

X X.

DE filios familiās autem an hic mutuare possit pecu-
 niam Dd. dubitant; & cum quidem regulariter ex
 omnibus contractibus tanquam pater familiās oblige-
 tur, tam ex contractibus ff. d. judic. l. filiusfamil. ff. d. O. & A.
 regulariter tamen duæ accipiuntur causæ, quibus cum
 obligari Doctores nolunt, quarum prima est votum in
 causa publica, secunda pecunia credita in re privata:
 ex voto etenim filius familiās non obligari probat l. 2.
 § 1. ff. d. pollicitat. ut nec ex pecunia credita l. 1. ff. ad
 SCtum Macedon. de qua tamen secunda causa specia-

le adhuc exstat SCtum, quod Macedonian. nominatur.
 Cum etenim olim Romæ injustissimi fœneratores pecuniam filiis familias sub maximis usuris credebant, imprimis autem Macedo fœnerator ille iniquissimus: & sic filius familias ansam ad captandam mortem parentum præbent, quo exsolverent æs illud alienum, quod contraxerant, ob publicam utilitatem SCtum, hoc Macedonianum est introductum, quod prohibuit sub certa pœna, ne filiis familias sine iussu parentum pecunia crederetur *l. 40. ff. d. condict. indeb. l. sed etsi 9. §. fin. cum aliquot seqq. ff. ad SCtum Maced. Donell. in præmio C. d. except. num. 14. Gomez. thom. 2. variar. resol. c. 6. num. 2. in fin.* Quod tamen SCtum Macedonianum, non porrigitur ad filium familias qui miles est, seu qui in castris vivit *l. 2. ff. ad SCtum Macedon. l. ult. in fin. C. eod.* cum etenim hic ratione castrensis peculij habeatur pro domino *dd. ante l. placuit* quidem veteribus, ut secundum castrensis peculij quantitatem ipsi liceat mutuum contrahere, *l. 1. in fin. & l. 2. ff. ad SCtum Macedon.* verum Justinianus hoc sustulit, constituitque generaliter, nullâ adhibitâ limitatione filium familias militem mutuam pecuniam, non habitâ ratione quantitatis pecuniæ illius castrensis, accipere posse, illumque contractum firmum & validum esse *l. fin. §. ult. C. ad SCtum Macedon.*

XXI.

Circa hæc prædicta quæri solet, an filius familias qui est in sacris parentum constitutus, nec ullum peculium castrense vel quasi habet *l. 4. ff. d. his qui sunt sui vel alieni jur.* renunciare possit huic SCto Macedoniano? & quamvis regulariter quidem verum sit, quod quilibet possit juri pro se introducto renunciare; attamen filius

lius familias hoc beneficium nemini remittere potest,
quia non propter se, sed propter publicam utilitatem
est introductum, *Covar. in cap. quamvis d. pact. in 6. pag.*
2. §. 3. num. 6. l. 1. ff. ad SCtum Macedon. arg. l. 7. §. si
paciscar. & l. ius publicum ff. d. pact. l. 11. ff. ad SCtum Ma-
cedon. vide Donell. 12. comment. J. C. c. 26.

XXII.

Materia porro in qua versatur mutuum, sunt potis-
simum res illæ, quæ nostro domino subjacent, quo-
rumque liberam administrationem habemus *l. 2. §. ap-*
pellata ff. d. R. C. non ergo nummi alieni, seu quorum
domini non sumus à nobis credi possunt; ut & servus
fugitivus, fur, latro pecuniam spoliata, aut alius ma-
læ fidei possessor, nummos credendo mutuum contra-
here non potest *l. 13. in princip. l. 11. §. fin. & ibi Donell ff.*
d. R. C. ratio est, quia urante dictum, mutui datio requi-
rit dominium, *d. l. 2. l. quamvis C. d. R. C.* hoc autem cum
apud prædictos non sit, utique etiam hunc contractum
inire non possunt. Verum enimverò nonnunquã eve-
nit, ut is qui dominus pecuniæ non est, eam nihilominus
credat, *ut in l. rogasti ff. d. R. C.* ubi quis à fœneratore
petebat pecuniam mutuam, is autem primo se non ha-
bere, ut improbi fœneratores solent, respondit, sed ei
pannum, vestem, lancem, aut aliud huiusmodi tradit;
distrahereque juber, quo illa tanquam certum pretium
habeat, & venditis illis, nummis tanquam creditis ura-
tur: quæri ergo potest, an dici possit, hunc contractum
rite esse celebratum, præsertim cum rei creditæ domi-
nium de jure requiratur; hic autem qui pannum, vestem,
lancem, aut aliud quid dedit pecuniæ, inde comparatæ
dominus non fuerit & quamvis quidem si rigorem
& apicem juris inspiciamus, hæc conventio mutui con-
tractum

tractum non efficiat, attamen neglecta juris subtilitate propter singularem utilitatis causam hoc approbatum esse, mutuūq; valere dicimus *Cujac. 8. obs. 8. §. lib. 1. ad African. in explicat. l. qui negot. ff. Mand. ne forsan frustra fiat per plura, quod fieri potest per pauciora l. 2. ff. quod met. causa, l. ampliorem C. d. appell.*

XXIII.

QUod autem diximus de fure, servo fugitivo, latrone, aut alio quolibet injusto possessore, illos nimirum mutuum nummos credendo non efficere, non ita intelligi volumus, quasi nullo omnino modo subsistere hic contractus ab illis initus, aut nullo prorsus remedio illi succurri possit, sed quod etiam aliquando mutuum ab illis contractum (quamvis quidem ab initio non valeat,) tractu tamen temporis reconvallescere possit: Si nimirum consumptio nummorum creditorum accedat, *l. non omnis 19. §. si pupillus ff. d. R. C. l. nam etsi fur ff. eod. l. quidam ff. d. reb. dub. l. si quis pro eo 56. §. si nummos ff. de fidejussor l. Cassius ff. de solut.* Sed dubitari posset, qua ratione hoc sit constitutum ut consumptio eam vim & efficaciam habeat, quam translatio dominij, ut nimirum propter consumptionem detur etiam conditio ei, qui pecuniam alienam mutuam dedit, sciendum itaque magnam id voluisse utilitatis rationem, ne videlicet is, qui alienam pecuniam mutuam accepit, cum alterius jactura locupletaretur, nulla prorsus actione adversus eum competente, *l. nam hoc natura ff. d. condit. ind. b.*

XXIV.

NON autem hic intelligimus consumptionem quamvis, sive illa sit bona. sive mala fide peracta, sed illam tantum, quæ bona fide est facta, hæc enim so-

sola conditionem inducit, si enim nummi fuerint dolo malo consumpti, aut quis dolo possidere deserit, actione ad exhibendum agetur *l. ad exhibendum 5. C. ad exhib.* quia qui dolo desinit possidere pro possidente damnatur *l. qui dolo 131. l. parem 150. ff. d. R. J.* sin vero nummi adhuc existent, rei vindicatio institui potest *l. rogasti 11. §. fin. ff. d. R. C. Cujac 13 obs. 23.* sed hic egregia se offert questio, an si quis reprobam pecuniam, id est, falsos nummos crediderit, & is qui illos accepit, pro probis expenderit, illosque consumpserit; an nimis debitor teneatur reddere probos nummos, an vero sufficiat, si tales restituat, quales acceperit? Et Azon inquit, non necessum esse ut reddat meliores: verum *Pil. q. 138.* distinguit inter creditorem, qui noverit pecuniam fuisse falsam, & inter debitorem qui ignoraverit; si enim creditor ignoraverit falsos fuisse nummos, contra debitorem sciverit, utique probos pro improbis reddere debet, allegat *text in l. domum ff. d. contrah. empt. vers.* simili quoque modo, si vero debitor ignoraverit, contra creditor sciverit, ejusdem generis & qualitaris nummos, quales acceperit, restituere poterit, quin alias etiam creditor puniatur *l. Cornel. d. fals. Abb. in 2. quanto. d. jurejur.* cujus distinctioni & nos nostrum calculum adjicimus.

XXV.

Meminimus ante mutui materiam versari circa res res autem hic non intelligimus quasvis, sed illas duntaxat, quæ in numero, pondere & mensura consistunt, *l. 2. §. 1. ff. d. R. C.* unde *Id.* concludunt, quod si mihi res aliqua ad mensuram data est, non possum eam ad numerum restituere, aut aliud pro alio invito creditore solvere: veluti si mihi oleum ad pondus & frumentum

mentum ad mensuram datum sit, non possum oleum
ad mensuram & frumentum ad numerum reddere, aut
aliàs illorum estimationem præstare. Quod ipsum sa-
ne non semper obtinet, cum etenim necessitas nullam
sibi præscriptam habeat legem, casu necessitatis etiam
debitorem strictam juris regulam transilire, & si idem
genus reddere nequeat, aliud restituere, aut ejus esti-
mationem præstare posse asserimus *Duar. 1. disp. annivers.*
2. 14. facit l. pretij causa 9. C. d. Rescind. vendit. Auth. hoc
nisi l. C. de solut. Br. & Dd. comm. ad d. sep. l. 2. Nov. 4. cap.
3. Gutbofr. ad l. 162. d. R. 7.

XXVI.

Sed quid dicendum, mihi ne li et extra casum neces-
sitatis pecuniam reddere, si argentum ad pondus ac-
cepero, & *R. gloss. n. d. sep. l. 2.* quod optime possim, hoc
tamen addito, ne ære, aut aliàs minus præstanti metal-
lo pecunia illa sit mixta aut contaminata *l. 1. §. 1. ff. d.*
aur. & arg. leg. l. cum aurum §. proinde & l. si quis argen-
tum C. d. donat. quam sequuntur *magis comm. Dd. Br. &*
aliij, facit etiam text. in l. Paul. ff. d. solut rationem hanc
addunt, quia si tibi pecuniam solvo, quæ ejusdem sit li-
gæ, videtur asserre tantam utilitatem, quantam affer-
ret ipsa massa argenti *Br. in d. l. Paulus ff. d. solut.* Cum
enim solvitur pecunia ejusdem ligæ sive bonitatis, in
materia, licet sint diversæ formæ, tamen idem videtur
solvi quo ad effectum & valorem, & sic tenetur credi-
tor recipere pecuniam illam oblatam, quia eandem ac
ex massa argenti percipit utilitatem, si vero debitor vel-
let offerre creditor alterius materiæ monetam, quæ cu-
pro, metallo, aut alia minus nobili materia esset infe-
cta, quia tunc illa restitutio non idem præstaret com-
modum, imo aliud pro alio invito creditore solveretur

assumere creditor non tenetur, sed ut idem genus in eadem bonitate ipsi restituatur, agere potest, conditio-
neque uti.

XXVII.

QUæ omnino ita se habent, si mutuum revera sit contractum, quid autem obtinet, si à me primo petas pecuniam ex causa donationis, volebam tibi quidem donare, sed eo ipso tempore ipse pecuniâ indigebam, post illud tempus autem facile mihi erat illud tibi donare: itaque contractus inter nos est initus, ut ego eam pecuniam tibi donem, tu autem eam mihi credas, ut ego interim eâ posseni uti, tua autem nihilominus maneret, potesne etiam conditione certi ad petendam eam mecum agere? & R. *¶ Cuius Vlp. in l. si ego pecuniam 20. ff. d. R. C.* inspecto rigore & apice juris, itemque verborum subtilitate nec donationem, quia donatio meram requirit liberalitatem *l. 1. ff. d. donat.* quæ in hoc casu non est; nec mutuum esse, quia exsolvendi causa magis quam obligandi datur contra *l. si filius familias 1. ff. d. R. C.* & debitor potius suum quam alienum accepisse videtur *contra d. f. l. 2.* æquitate autem considerata tam donationem, quam mutuum esse: donationem, ut transferatur pecuniæ dominium in accipientem, ex causa donationis; mutuum vero, ut pecunia quæ sua facta est, transferatur ex causa mutui in donantem; & quamvis quidem verum sit, quod habeat animum liberandi se à priori obligatione, attamen etiam habet animum contrahendi *ut in l. in traditionibus ff. d. pact.* Cui sententiæ & nos secundum monitum *l. 8. C. d. judic.* ad stipulamur. Accedit huc etiam quæstio tractata in *l. 9. §. fin. ff. d. R. C.* depositi apud Titium pecuniam, is venit, rogaturque ut ipsi tanquam creditum concedam,

con-

convenit inter nos, ut eâ tanquam creditâ utatur: qua-
ritur ergo, an etiam creditum dici possit, priusquam ab
illo moveatur & R. *Nerva Proculus* mutuum esse, con-
ditionemque dari *l. 34. vers. nec huc ff. mand. Cujac 8 obs.*
§. quia quoties apud aliquem res mea iusta de causâ est,
potest is qui eam sic possidet, sine nulla traditione reali,
sed solâ contrahentium voluntate, fictâque quasi tradi-
tione dominium & possessionem ejus consequi *l. si ser-
vus 21. §. fin. ff. d. A R. D l. quod meo 18. ff. d. Acquir. pos-
sess. §. interdum 49. Inst. d. R. d.* Si verò liberae tuae vo-
luntati concesserim, ut illâ pecuniâ quæ apud te depo-
sita jacet, si voles utaris, non prius creditum, quam si
mora, si dicatur. *l. seq. 10 ff. d. R. C.*

XXVII.

PERspectis jam & cognitis aliquo modo substantiali-
bus & formalibus mutui, restat, ut de accidentalibus
etiam aliquid videamus, qualia sunt: conditio, pigno-
rum obligatio, pacta & alia, de quibus videri potest *h.*
*pacta conventa ubi gloss. magna ff. d. contrab. empt. Zas. sin-
gulari Resp. c. 12.*

XXIX.

CONditio porro rectè mutuo ex causâ mutui adji-
tur *l. omnia 7. §. l. seq. ff. d. R. C.* nam sicuti conditio
vel dies rectè adjiçitur stipulationi, ita etiam inferi po-
test pecuniæ mutuatz, *d. l. 7; cum l. seq. junct. l. 9. l. 37.*
l. 39. ff. d. R. C. & quemadmodum conditio adjecta sti-
pulationi, impedit oriri actionem, priusquam condi-
tio existat, sic etiam si pecuniæ numeratz apponatur,
impedit dominij translationem, donec conditio appo-
sita oriatur.

Quod autem diximus de conditione, intelligendum volumus de ea, quæ in futurum tempus confertur, non de ea, quæ confertur in præsens aut præteritum tempus ut dicitur in *l. cum ad præsens 37. ff. d. R. C.* conditio etenim in præsens aut præteritum tempus collata, non propriè est conditio, nec actum suspendit, quare etiam tantum talis conditio vocatur figura conditionis, ut in *l. Cornelius 66. in fin. ff. d. heredib. instit.* & in *l. si ita stipulatur 120 ff. d. V. O.*

XXX.

Hinc existit quaestio tractata in *l. pecuniam quam mihi ff. d. R. C.* ubi quidam mihi debebat pecuniam pure sine die & sine conditione, convenit inter nos, ut debitor ille, qui mihi pecuniam debet, Titio sub conditione, si navis ex Asia veniat, promittat; & certum quidem est, debitorem meum Titio non obligari priusquam conditio existat, an verò ego nihilominus pendente conditione pecuniam illam à debitore, qui mihi pure obligatus erat, exigere possim, dubitatur, & quamvis quidem nulla videatur causa, cur ego interim ab eo debitum non petam, quod mihi pure & simpliciter promissit, arg. *l. pure in princip. ff. d. dol. mal. & met. except.* attamen R. J. C. ius Javolen. in *d. l. 36. ff. d. R. C.* non posse me statim ab eo petere, quia quædam quasi conditio huic obligationi per me est abjecta, quare etiam illam conditionem, quousque existat, expectare cogor: quod tamen aliter obtinet in fisco, hic etenim conditione nondum existente debitum exigere potest, *l. 1. ff. d. con. act. ex l.* in casu tamen publicæ utilitatis.

XXXI.

Succedit pignoris obligatio, quæ cum secundum *S. fin. Inst. quib. mod. re contrab. obligat.* quo magis credi-

tor

tor in tuto sit, de restituenda pecunia eò magis certifi-
cetur, sit introducta, rectè & optimè quoque huic con-
tractui adjicitur; *l. ejus qui in provincia ff. d. R. C.* Sed
quid, si aliquando creditor alicui pecuniam mutuam
det, nec satis idoneum pignus à debitore accipiat, po-
terit, ne ideo creditor contractum rescindere, & soli-
dam pecuniæ creditæ summam repetere? Maxime *l. cre-
ditor 28. ff. d. R. C. junct. l. 1. C. d. pignor. l. 26. ff. d. solut.*
aut si non omninò contractum illum irritum esse vo-
luerit, poterit suppletionem petere in tantum, in quan-
tum non sufficit *d. l. creditor 26. ff. d. R. C.* sequitur igitur
jam suppletionem, & pignore satis idoneo oblato,
hoc quoque beneficium creditori est concessum, quod
possit, si debitor tardet debitum solvere, pignus sibi ob-
latum distrahere, quo sibi satisfiat, *l. 13. ff. d. distract.*
pignor. Non autem ut pro libitu creditor hoc bene-
ficio utatur, jura volunt, sed requirunt, ut distractio illa
fiat, legitimè, iudice nimirum au hore, solenniter &
bona fide, pro ut explicatur in *l. 4. l. 7. l. 9. & passim alijs*
C. d. distract. pignor. tum etiam ut pactum de distrahen-
do circa pignoris obligationem sit adjectum §. *1. Instit.*
quib. alien. lic. vel non l. 4. ff. d. pignorat. act. quod si non
de alienando pignore ab initio convenerit, trina de-
nunciatione opus erit, *d. l. 4.* Inter unamquamque an-
tem denunciationem dies decem intercedant necessum
est, *arg. l. 21. §. 1. ff. d. constit. pecun.* Et quamvis qui-
dem *Br. & alij in d. l. 4.* triduum, alij unum diem ve-
lint, alij porro iudicis arbitrium requirant, *Castren. Sa-
lic. & Angelan. d. l. 4.* priorem tamen sententiam de jure
veriorem esse dicimus.

Tan-

TAndem accedunt etiam pacta, quin & hæc mutui rectè adiciantur, dubium nullum est, dummodo pacta illa sint licita, nec à *fl.* reprobata ut pacta turpia, *l. pacta C. d. pact. & l. contra. jur. ff. d. pact.* aut forsan contra ipsa mutui substantialia, nam substantialia mutui per pacta inmutari non possunt, *arg. l. 2. ff. d. usufruct, & quemadm. quis utat. fruatur. Br. Castrenf. Dec & alij in l. cum qui dñ. 2. d. R. C.* Hinc quæri posset, anne valeat illud pactum, ut tibi creditori meo plus reddam quàm acceperim; utpote pro decem undecim & *R. J. Cetus in l. 1. §. 1. ff. d. R. C.* non valere hoc pactum, nec nasci obligationem ultra decem; mutuum est enim contractus realis, & quatenus res non intervenit, *catenus etiam* obligatio non procedit. *l. 2. §. 3. ff. d. R. C. princip. Inst. quib. mod. re contrah. oblig. l. 7. ff. d. pact.* Nummus itaque qui superest, tanquam creditus non debetur, quia non est numeratus, *per antedictos text.*

ET quidem hætenus ad constitutionem mutui sufficiant dicta; cæterum cum in jure nostro nihil tam fir-
mum ac validum sit; quod non rumpatur, finiaturve
gloss. in rubric. C. quib. mod. testam. infirmant. nihilque
magis naturæ conveniat, quàm unumquodque eodem
modo solvi, quo colligatum est, *l. nihil tam naturale 35. ff. d. R. J. l. 80. in princip. ff. d. solut. nostrum quoque nunc*
erit, postquam hætenus in constitutione mutui labor-
averimus, etiam de ejus destructione & dissolutione,
simus solliciti. Ac primum quidem cum solutione o-
mnis tollatur obligatio *l. 54. & 49. ff. d. solut. l. 11. §. 5. ff.*
d. pignoratit. act. consequens est, etiam solutione ejus
quod mutuatum est, hunc contractum resolvi & finiri.

Non.

Non autem tantum obligationem hanc tollit, si realis & vera quædam accesserit solutio, sed etiam sufficit, si acceptilatione tantum satisfiat, §. *item per acceptilationem?* *Instit. quib. mod. tollit. oblig. l. 1. §. 5. ff. d. acceptil. l. fin. ff. eod. adde Cujac, s. observ. cap. 36.* quoniam velut solvisse vedetur, qui acceptilatione est usus *l. si ex pluribus 16. ff. d. acceptil.* Ad veram autem & realem solutionem Dd. requirunt, totius *l. 3. ff. Famil. ercis. l. 41. §. 1. ff. d. usur. Hotoman. ill. quest. 20. Gædd. ad l. 23. d. V. S. Rei debitæ Vult. 1. J. R. c. 53.* aut alterius, creditore tamen consentiente, *d. princip. Instit. quia. mod. toll. oblig. l. 16. C. d. solut. l. 4. §. 3. ff. d. re judic. l. 21. §. fin. ff. d. constit. pecun.* Idoneam satisfactionem *Vult. 1. J. R. cap. 52.* Justo loco *l. 2. §. 7. l. 9. ff. quod cert. loc. invito namque stipulatore alio loco quam promissum est, solvi non potest: & tempore factam l. 122. in princip. ubi Dd. ff. d. V. O. quamvis alias mihi licitum sit, debitum illud, quod incertum diem debeo, etiam ante diem invito creditore solvere l. 38. §. 16. l. 59. & l. 41. §. 1. ff. d. V. O. l. 70. ff. d. solut.*

XXXIV.

PER idoneam autem satisfactionem Interpp. quid intelligant certi & expediti juris est: Ut nimirum ejusdem bonitatis & qualitatis moneta, qualis credita est, restituatur. Verum circa hoc dubium quoddam oritur, an nimirum thaleris, alijsve monetis mihi creditis sub certa figurâ, in eadem figura reddere teneor? & verius esse putamus, si quamlibet aliam figuram ejusdem bonitatis & qualitatis reddam, me liberari, quoniam æstimationum nummorum credita est, non corpora *l. 49. §. 1. ff. d. solut. l. 24. ff. de pos. l. 34. §. 3. ff. d. leg. 3. adde l. extrinsecus 85. ff. d. V. O. Donell. in l. 3. num. 10. d. R. C. aliud*

D

tamen

tamen est, si speciale quoddam pactum accessit, de reddendis thaleris sub eadem figura *l. Paulus 99. ff. d. solut.*

XXXV.

Sed nonnunquam evenit, ut nummi crediti certarum specierum tempore solutionis ex hominum commercio prorsus exceſſerint, aut difficillimè haberi possint, quid ergo juris? R. quod primo casu, ubi prorsus ex hominum commercio exceſſerint, solutio in alia moneta usuali fieri possit. Quando etenim debitor ejusdem generis nummos, quos mutuo accepit, invenire non potest, tunc ipsi alterius generis nummos usu receptos reddere licitum est. *per text. in cap. cum Canonici extra d. consil. & in l. pretium 10 §. fin. in fin. ff. d. jur. dot. Nov. 4. cap. 3. ubi Cujac. & in l. unic. C. d. arg. pret. lib. 10. Cujac. ad l. quoties 59. in fin. ff. d. V. O. Gest. 2. obs. 73. num 6 & 7* Et quamvis quidem hoc nullo legis textu vel sensu tantum reperiat, necessitat tamen ratio cum prædicta introduxerit, nos admitti ea posse non dubitamus *per d. Nov. 4. cap. 3.* secundo verò casu ubi quidem non prorsus ex hominum commercio exceſſerint, sed inventu sint rarissimi: Videndum est, parvo ne & tolerabili sumptu acquiri & haberi possint ejusdem generis nummi, an verò non nisi magno & immenso sumptu colligi queant; priori casu, ut debitor sibi compareret, & creditori præsteret, æquitas flagitat *per d. conf. 836. num. 6. circ. fin.* posteriori verò casu habetur, ac si non amplius nummi existerent, proinde debitor ad eos colligendos & creditori dandos cogi non potest, sed ad solvendam æstimationem secundum antiquorum nummorum valorem, admittitur *c. olim 20. extra d. censib. l. plerumq. 10. §. fin. ff. d. jur. dot.*

Qvæ.

XXXVI.

QUærent autem hic interpp. num in illa æstimatione quæ præstari debet, solum valor seu bonitas extrinseca, an etiam bonitas intrinseca quæ respondeat generi suo, antiquæ monetæ spectari debeat? V. G. vetus quædam & rara argentea moneta data fuit mutua, sed tempore solutionis illud monetæ genus prorsus ab usu hominū recessit, aut non nisi immenso sumptu comparari potest? quaritur ergo, an mutuum reddi debeat non solum in eadem æstimatione, verum in alia etiam, similiter argentea pecunia? vel anne sufficiat solutionem fieri in pecunia minori & vilioris materiæ, quæ ære & cupro sit contaminata? & communis *Dd.* auctoritas suadet, ejusdem bonitatis intrinsecæ pecuniam, si haberi possit esse reddendam, *l. 3. ibi* ejusdem generis & bonitatis solvatur *ff. d. R. C. Geil. 2. obs. 73. num. 6. & 7.* Rationem autem *Dd.* hanc potissimum addunt, quia moneta nova quæ datur, succedit in locum antiquæ, idco etiam sortiri debet ejus naturam, in cujus locum substituitur.

XXXVII.

VERUM quid est dicendum, si aliquis mihi ante decem annos dederit pecuniam mutua, cujus æstimatio hodie vel minor vel major sit facta, liberor ne, si solvam pecuniam ejusdem bonitatis, quæ fuit tempore contractus? & verius & æquius est, me liberari, *l. 3. & 2. ff. d. R. C. arg. l. 49. §. 1. ff. d. solut. & l. 34. §. 3 ff. d. leg. 1.* id enim solum secundum mutui naturam reddi debet, quod datum est. *arg. l. Paulus ff. d. solut. Hoteman. ill. quest. 15. Coras. 3 Miscell. c. 13. Vassq. ill. q. lib. 1. cap. 2. num. 7.* nihilque refert, an bonitas nummorum intrinseca, id est, materia vel forma monetæ *Schroder vnd Horn*, uti vo-

cant, vel extrinseca bonitas, id est, valor fuerit muta-
 tus l. 65. §. 1. ff. d. V. O. l. 34. ff. d. aur. & arg. legat. ordinat.
 Camer. Imper. etiam vide apud Gylman. in symphoremate
 fol. 213. Sixtin. d. Regal lib. 2. cap. 7. num. 148. De ex-
 trinseca autem nummorum mutatione Interpp. non
 conveniunt, nonnulli etenim putant, ut Johan. Fab. in
 Aub. hoc nisi C. d. solut. Molin. in tract. d. usur. q. 100.
 num. 749. Donell. in l. 3. d. R. C. num. 9. & 10. hoc casu
 non tempus contractus; sed potius presentem mone-
 tæ cursum esse inspiciendum, & monetam presentem
 materia vel pondere deteriore, reddere posse debito-
 rem. Rationem huius sententiæ potissimum hanc af-
 ferunt; quod in monetis non tam substantia, veluti
 materia & pondus, quam valor & cursus attendatur l. 1.
 in fin. princip. ff. d. contrab. empt. l. si is cui 94. §. 1. ibi in-
 pecunia non corpora cogitet, sed quantitate ff. de solut.
 Tum etiam, quod cum certum auri & argenti pondus
 est legatum, si species designata non adlit, tum non ma-
 teria, sed pretium presentis temporis præstatur, l. cum
 certum 9. ff. d. aur. & arg. leg. Verum his non attentis
 rationibus priorem nostram sententiam, tanquam jure
 communi, & majori Dd. calculo receptam, retinemus,
 dicimusque non tempus solutionis, sed contractus esse
 inspiciendum d. f. l. 56. §. 1. ff. d. V. O. l. 35. ff. d. aur. &
 arg. legat. aliàs namque si præsens monetæ cursus, non
 tempus contractus attenderetur nec tantum eam, nec
 idem, sed plures vel pauciores nummi, quam crediti
 essent, redderentur, quod esset contra jus & aequitatem
 l. 2. & 3. ff. d. R. C. poterit ergo debitor incrementum
 illud, quod monetæ accessit deducere, illoque debi-
 tum suum principale exsolvere. Abb. in c. quanto extra
 d. jurisjur. Dec. in l. cum quid 3. d. R. C.

Et

ET hæc ita procedunt, si temporis ratio & Principis decretum monetæ mutationem introduxit, si verò mora debitoris vel creditoris intercessit, tunc incommodum ei nocet, qui moram iniecit seu per quem stetit, quo minus pecunia fuerit soluta, quare si debitor in causa est, moramq; commisit, & valor nummorum interea temporis accrevit, tum præsentem nummorum æstimationem præstare debitor tenetur, nec inspicitur tempus contractus, sed solutionis, & potissimum moræ *l. ratio 3. §. fin. l. si sterilius §. 3. ff. d. act. empt.* Verum enim verò cum non tantum debitores; sed etiam creditores in recipienda pecunia credita, nonnunquam moram committant, ut in *l. maritus 49. ff. sol. matrim.* quare etiam cautum reperitur, ut si post illorum moram valor nummorum adauctus sit, incrementum deducere possit debitor, aut tantum illi restituere, quantum præsens monetæ cursus postulat, non minus enim creditori quam debitori mora sua nocere debet *l. hominem 37. ibi aut per creditorem & c. ff. mand. l. illud ff. d. peric. & comm. rei vendit. Bart. & Dd. comm. in l. 3. & 5. ff. d. R. C. Geil. 2. obs 37. num. 9.* Quod tamen non indistincte Interpp. de omni mutatione intelligi volunt, sed tantum de extrinseca, non verò intrinseca mutatione, cum enim mora nec ~~ageat~~ nec imminuat principalem summam *l. 21. §. 3. ff. d. act. empt. sed tantum perpetuet, l. si ser. v. 19. §. 3. ff. d. P. O.* consequens putant Dd. à creditore mora commissa, nec debitorem aureos veteres majoris ponderis & bonitatis permutare, nec creditorem à debitore mora facta, meliores seu pretiosiores nummos quam credidit, exigere posse *arg. l. beres 8. ff. d. tritic. vno leg.* In extrinseca autem mutatione si valor sit adauctus impositivus, tum debitore in mora existente, commodum augmenti valoris spectat

ad creditorem, contra si creditor in mora inveniatur, damnum etiam, quod debitor ex mora sentit, rescindere creditor tenetur.

XXXIX.

Non autem tantum evenit, ut debitor in mora sit, sed aliquando etiam contingit, ut debitor iniquus creditum vel debitum solvere aut non possit aut nolit, quare remedium creditori de iure concessum est, quo pecuniam debitori creditam exigere possit, quod dicitur condictio certi: & quamvis quidem generali nomine condictiones ex quacunque causa & obligatione descendant, proprie tamen & specialiter illam conditionem dicimus, quæ vel ex mutuo, vel ex stipulatione certæ summæ debetur.

XL.

Coronidis loco inquirere libet, an etiam hæc actio detur ex contractu innominato, & quamvis quidem nonnulli Dd. statuant, quod æque hæc actio detur tam ex contractu innominato & incerto, quam ex certo & nominato, *Wesemb. in parat. b. num 14. Dd. per l. 9. ff. d. R. C. Cujac. ad l. 74. ff. d. P. O.* Verius tamen est conditionem ex contractibus innominatis non dari *l. 1. 2. § 3. ff. d. præscript. verb.*

S. D. G.

Præstantissimo ac Doctissimo DN.

*NICOLAO BESELIN, amico ac fratri
exoptatissimo, de mutuo disputanti,*

Gemma Novensilium, Themidosque polita medul-
Beselin, nitidæ non infima gloria Daphnes. (12

Bella

Bella Dicæa videt, his procul Imbellia, bellè
Dum cantare Themiste, exultat pectore bello,
Bellum erumpit, opus spirant nunc tempora bella.
Maße isto bello! Sophiæ septemplice parma.
Nicolæ Aoniæ sic debellare phalanges
Pergas, pergenti prælustris adorea honoris
Ecce parata cluit, fulgent quis pectora tandem.

Gratulatur

Johannes Eberhardus Stedingk.
Wesph. Rabensb.

V I R O

Doctissimo ac Politissimo

DN. NICOLAO BESELINIO

adgnato & amico suo ut charissimo ita

certissimo de M U T U O disputanti

adponebat,

Dic mihi, quæ merito sublimia pulpita scandit?
Quem penes est Virtus, Ars, Labor, Ingenium,
Jure quis eximios affectat juris honores?
Quem penes est Virtus, Ars, Labor, Ingenium:
Inquam non horum expertis NICOLAE bonorum
Indicium nobis publica arena facit.
Perge ut cæpisti, magnum tibi conciliabis
Sic nomen, patria & commoda multa feres.
Perge, velut pergis, posthac ut talia prodas,
Utq; diu valeas, faxis id omne DEUS.
Sic loca te tandem facias conscendere ad alta,
Et verè sic post fata superstes eris.

Johannes Beselinus Rostochien-
sis - Megapol,

V I R O

LITERATISSIMO & PRÆSTANTISSIMO,
DN. NICOLAO BESELIN,
Rostochienſi, de contractu mutui respon-
ſuro, amico meo oculiſſimo.

O Tu virtutis, tu laudis & artis ocellæ,
O tu noſtræ animæ deliciſſa anima,
Mutua te virtus, me virtus mutua cepit
Juſtitia, hinc noſter mutuus exſtat amor,
Mutuus exſtat Amor noſter, magè mutuus exſtat,
Quod tu tam doctè mutua jura colis,
Mutuus es certè, nec tu mutabilis unquam,
Laude tuâ & nunquam mutus hic orbis erit,
Sunt res fungibiles virtutis mutua jura,
Tàm ſcito nam tu fungeris officio;
Nec te mutato verùm immutabilis exſta!
Sic verè verè mutuus eſſe potes!

Apponeb.

Johannes ab Hœckelshoven
Junior Bresla-Sileſius.

